

# ҮНЭГЭН ЭЖЫ

## (БУРЯАД ОНТОХОН)

Урдын урда сагта үнэгэн эжы хоёр эшэгэтэй байгаа.  
Нэгэтэ тэрэ иигэжэ дуулаба ха

Боориин ногоо жажалх  
Боро-хүхэ эшэгэтэйб  
Хадын ногоо жажалх  
Хара-хүхэ эшэгэтэйб  
Хар-хар жажалх  
Хара-хүхэ эшэгэтэйб.

Үнэгэн эжын тиигэжэ дуулахыень шоно шагнаад, “Аа, боро эшэгэтэйб гэнэ аалши, тэрээнииешни эдихэб” гэжэ энеэнэ. Тиигээд шоно тэрэ эшэгэдтэнь ошобо. Ошоходонь, тэдэ эшэгэдьны тэбшэ доро ороод хэбтэбэ. Шоно тэбшыень абажа хаяад, хоёр эшэгэдьыень эдижэрхибэ. Тиихэдээ шоно хоёр хэршэмгэг мяха унагаажархиба. Үнэгэн эжын ерхэдэ, шоно хоёр эшэгыень эдеэд, хоёр хэршэмгэг мяха унагаагаад ябашаан байба

Хоёр хэршэмгэг мяха хараад, үнэгэн эжы уйлаба. Тиигээд хоёр хэршэмгэг мяхаа хоёр улхархайдаа хээд, шонын мур мүшкөөд ошобо ха. Мурын мүшкөөд ябажа ябажаар, нүхэ руу унашаба. Тэрэ нүхэн соо эшэгэдьыень эдинэн шоно һуужа байба. Нэгэ хэдь һууд гээд, үнэгэн нэгэ нюдэнһөө мяха абаад эдинэ. Баха нэгэ хэдь һуугаад, нүгөө нюдэнһөө мяха абаад эдийбэ. Шоно гэдэхэнэйнгээ үлдэхэдэ, һураба

- Юу эдинэбши
- Үнэгэн эжы тиихэдэнь хэлэнэ:
- Үлдөөд, нюдөө эдинэм даа

Шоно хоёр нюдөө түнхижэ эдеэд, һохор болошубо. Шоно, үнэгэ бариха гэжэ хүн нүхэ малтаяан байгаа. Тиигээд тэрэ хүн нүхэээ өрьејэ ерэбэ ха. Харахадань, хоёр нюдэгүй шоно һуужа байба. Харин үнэгэн эжы үхөөшэ болоод

хэбтэбэ. Тэрэ хүн үнэгэн эжье нүхэнхөө абаад хаяба, тийхэтэйнь хамта үнэгэн эжы харайжа арилшаба. Шоные тэрэ хүн сохёод алаба. Тийгэжэ үнэгэн эжы шонохoo үхөөгөө абаа һэн ха.

[www.nomoihan.com](http://www.nomoihan.com)